

香港文匯報訊(記者 梁靜儀)黎耀祥(祥哥)、胡定欣、蕭正楠、陳曉華及羅天宇等,昨日(5日)到荃灣出席慶劇《巾幗梟雄之懸崖》宣傳活動,祥哥與定欣坐黃包車出場,而羅天宇及蕭正楠在玩遊戲時更做車伕拉車。台上並公布該劇首播7日跨平台收視24.8點、首播觀眾161萬以及黃金時段收視冠軍,成績理想。

祥哥與定欣受訪時齊聲表示對收視感滿意,祥哥說:「生意難做,幾驚得10幾點,啱家唔係以前咁嘅時勢,多謝大家捧場,希望收視能夠繼續保持。」定欣亦稱姊妹也有捧場:「幾日前同姊妹食飯,平時姊妹九點就睡覺,佢專誠食完晚餐睡一陣後再起身睇劇,令我好開心,見佢開心自己都安慰,可能近期少民初劇,唔佢口味,畫面上中晒。」

提到劇情,祥哥透露會越來越濃烈,因為之後兩人的壓力會增多,會有日本侵華及軍閥等場面,而他與定欣更有一場關棺材的戲。已不是第一次關棺材的定欣表示不介意,因為有利是收,而今次雖然棺材空間細,但並不是真的蓋住,所以也不算很辛苦。

陳曉華想挑戰打戲

陳曉華笑言自己是劇中最悠閒的人,因為不用打,不過她反而想拍打戲。提到劇中與羅天宇玩風的戲份,問到現實中可會約男仔去玩?她笑言若一個男人不夠:「要幾個,重啲啲會咁畀界風吹走。」她又作嘍醋狀指羅天宇在劇中並非只跟自己玩風,和陳煥怡也有玩風。問她遇過的男仔是否也會用同一招追女仔?她說:「無論如何都會,其實我都會,我識朋友

嘅開場白都差唔多。」至於是否會跟排開男女友朱敏瀚(朱仔)玩風,她即避談說:「唔玩,我獨立女性嚟。」

提到朱仔與周嘉洛及張振朗有一個「救救朱敏瀚」手機群組,是幫朱仔給其衣着意見,問陳曉華是否也有要求過加入群組?她笑言沒有亦不會要求,因自己也想有人幫,對於朱仔打算讓好友陳澧和王灝兒加入,陳曉華即贊同:「梗係Perfect啲,佢哋有Fashion sense, (佢哋成日炒車呀,) 點會呀, 佢哋嘅style 唔係啲啲穩陣型,係型格,挑戰創新,我都想,我唔想次次都係咁樣,我可唔可以搵定欣。」她透露將拍攝新劇《夫妻的博弈》,劇中會飾演女強人。



●陳曉華(左)與陳煥怡(右)向羅天宇派心。



●《巾幗梟雄之懸崖》收視成績理想。

黎耀祥望收視保持冠軍

《巾幗梟雄之懸崖》4《啱口味》定欣姊妹忙追劇



●蕭正楠拉車載黎耀祥與陳曉華。



●羅天宇化身胡定欣、陳煥怡車伕。

阿叻否認與阿倫志偉不和「分家」

認組「精裝明星足球隊」馬明展鵬卓義入列

香港文匯報訊(記者 梁靜儀)陳百祥(阿叻)與黃杏秀夫婦、李龍基、汪明荃、黃淑儀、余慕蓮、盧海鵬、彭健新、林嘉華夫婦、石修、高層何定鈞、李添勝、吳雨及何麗全等逾二百昔日EYT台前幕後,前晚(4日)到尖沙咀出席《2024 EYT好友會聯歡晚宴》,當晚筵開22席,開席前大家齊唱EYT主題曲,場面熱鬧。

阿叻早前與「香港明星足球隊」在汕頭比賽,其間怒踢對手惹來熱議,之後就再無現身比賽,就連近日譚詠麟(阿倫)與曾志偉親自帶隊出征天津,都不見阿叻落場,早前阿叻又突然宣布另組「精裝明星足球隊」,隊員有馬國明(馬明)、林文龍、洪天明、陳展鵬及吳卓義等,因而傳出「福、祿、壽」三兄弟不和。

前晚阿叻受訪否認「分家」:「隊波1986年組成,踢咗38年,我由36歲踢到74歲,係時候換新人。同理每星期只踢一場,我一星期踢4日都唔夠晒,但唔可以要求佢哋都踢4日。」笑問他的新球隊後生中,馬國明與林文龍都已年過50,他解釋是對比明星隊後生:「你拎馬國明同羅家英比,拎林文龍同譚詠麟比呀。」對於有傳他跟譚詠麟及曾志偉不和,他帶笑說:「唔係唔啱,只可以話係合久必分、分久必合,佢哋鍾意錢,要開演唱會同返工,我就退休,又唔等錢使。」

阿叻又稱組新球隊有通知阿倫及志偉一聲,他們也沒有意見。至於兩支球隊可會打場友誼賽?他認為機會不大:「邊可能,佢哋年紀咁大。」

他透露新隊員除了明星外,亦有羅致昔日球壇名將等,當中部分球員都會兩邊踢,因內地有超過20個城市邀請他們比賽,球賽多到要推,故不存在分家或搶人問題。

快將於紅館舉行個唱的汪明荃,百忙中抽空盛裝出席聚會,她表示近幾年都因工作而未能到場跟老朋友聚頭,見到一班老朋友很開心。問到會否即場邀請EYT的好友擔任嘉賓?她笑言應該不會。同場的李龍基表示每年都會參與,因他在《歡樂金宵》有很多老友,並感恩因《鍾無艷》的皇帝形象深入人心,令他收穫不少拍劇的機會。早前他演出時在台上踩風火輪,他自爆撻了很多次,而這次是小試牛刀。



●陳百祥表示組新球隊有通知阿倫及志偉。



●逾二百昔日EYT台前幕後筵開22席聯歡,場面墟區。



●《得龍先生》一眾台前幕後齊切燒豬。



馮允謙 鄭丹瑞唱 Rap

廖子好獲讚演技突出

香港文匯報訊(記者 子棠)鄭丹瑞(旦哥)、廖子好及馮允謙(Jay)及盧慧敏(Amy)合演的電影《得龍先生》,將於11月7日亮相「HKAFF香港亞洲電影節2024」,並於28日正式上映。早前一眾台前幕後和狗演員舉行開鏡拜神儀式,風趣幽默的旦哥與一眾年輕演員打成一片。廖子好爆料在拍攝現場播旦哥其中一首名曲《留給最愛的說話》,並很期待旦哥現場演繹歌中的讀白,可惜旦哥不肯。唱家班Jay說:「旦哥好鍾意聽Jazz,等埋位就唱,我好想同佢Jam歌。我知道旦哥出過歌,聽講係香港第一代Rapper。」旦哥1993年推出歌曲《那夜我替女兒「R」背脊》,街知巷聞。旦哥說:「我查過Rapper意思,即係『數白攞』,我係第一代『數白攞』,你哋摩登啲咪叫Rapper囉。」他更即興以羅文和鄭少秋腔做示範。

廖子好大讚旦哥:「佢好肯教新人,成日請我飲咖啡,太多優點,我真係唔想離開個劇組。雖然同旦哥合作壓力大,但又好易入戲,佢真係畀到我『爸爸』嘅感覺,戲中父女關係有啲似我的真實故事,好容易投入到。」旦哥說:「佢投入到,我希望佢有80分,結果佢做到120分。」

風趣的旦哥扮惡樣,說:「呢部戲係真實嘅鄭丹瑞顯露出嚟,好赤裸,但好好,可以試一次咁樣做。好難得今時今日能遇到好劇本,我亦最開心遇到新導演,過去幾十年,好多貴人幫我。去到今日我覺得係時候幫得上,有需要我,尤其是電影,我就去幫。」

Amy坦言:「我最感恩係可以同有經驗嘅演員合作,學到好多嘢。」廖子好鼓勵她:「你做得好好。」Jay說:「最難忘有一場戲我哋同Amy要搬運鐵欄,旦哥就問我一條IQ題,好好笑。」Amy爆料:「最搞笑的是到啱家, Jay仲未明白IQ題嘅答案。」

首度踏足大銀幕的Jay表示又緊張又興奮,並指感覺比預料中好:「雖然我唔係好多戲份,但都會得個翻閱和好多大壓力。我同Amy對手戲較多,同佢合作好舒服,佢無嫌我做嘢唔夠好,仲成日鼓勵我。」Amy受寵若驚:「我點會嫌你呀。」

驚喜未婚夫變善長支持 衛詩雅公開放閃惹艷羨

香港文匯報訊 日前導演陳茂賢、演員衛詩雅(Michelle)、周家怡及梁雍婷(Rachel)現身海港城《破·地獄》電影劇照現場,再次回味電影中多張精選劇照,三人大讚劇照師攝下一眾角色當下最真實的情緒。展期中還設有海報競投環節,所得之捐款將撥捐保護瀕絕動物協會(SAA)。而眾人於活動後向善善拍賣得主頒贈證明作親身答謝。

Michelle、Rachel與周家怡亦分享了在不同戲院的映後分享活動,收穫了很多感動的回饋。Rachel表示上周末一位白髮蒼蒼的女觀眾的分享讓她非常感觸:「婆婆話呢部電影喚起佢一啲記憶,療癒咗佢自身嘅經歷。佢講完之後,我哋才發現原來佢身後有七個兒孫同場陪佢一齊睇,大家都邊睇邊喊,令我

覺得佢對某啲事情釋懷。」而家怡聽畢後亦表示:「觀眾需要啲咁多人面前,願意將自己嘅親身經歷,或者經歷嘅嘢事分享出嚟,我覺得呢件事已經好感動。」

而剛出席完東京電影節回港的衛詩雅,分享日本觀眾同樣看得相當投入:「我初初有啲擔心,佢哋睇唔睇得明我哋嘅破地獄文化?好開心佢哋同樣被觸動,又睇到箇中意義,代表呢部戲成為世界各地嘅共通語言,以死亡帶出生命。」

而活動尾聲,衛詩雅未婚夫周祉安(Kenley)更驚喜現身,原來Kenley為支持Michelle新作及做善事,早前於活動網站上競投多幅電影海報,結果日前收到大會通知成功投得海報並邀請他親身到會場確認領取事宜。Kenley於活動後到達現場,低調為Mi-

chelle送上驚喜,原來今次同場更一對準新人首度現身公開場合,令事前毫不知情的主創及工作人員大感驚喜,Michelle亦透露自己亦是出發活動前才得知,更笑言「估唔到會親自頒贈海報畀呢位善長仁翁」!Kenley對Michelle的貼心支持更被眾人大讚浪漫。



●衛詩雅未婚夫周祉安(中)驚喜現身領取競投所得海報。